

「國家社會科學基金重大項目」

何建明 主編

中國地方志
佛道教文獻匯纂

人物卷

(11)

 國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

人物卷

（11）

圖 國家圖書館出版社

中國地方志佛道教文獻匯纂·人物卷
山西省 長治市

沁州志

清·葉士寬原本 姚學瑛續修 姚學甲續纂

清雍正九年（一七三一）刻

乾隆三十六年（一七七二）增刻本

仙釋

世之崇二氏者好侈爲怪誕之說其實莫可信顧古
來高人奇士寄跡方外類皆不愛官不爭能願乘化
以歸盡雖其人不必至今尙存而其志趣超絕亦足
以愧夫身殉名利而不悔者矣志仙釋

州

上古彭祖

古陸終氏第三子篋鏗封於彭城稱彭祖初聞上黨黎城九仙女有道行往師之得導引

術隱雲母山時遊沁州南里變幻莫測或云葬本里彭家溝今其墓尙存

晉王質

三交里人伐木至爛柯山見二童子圍棋與一物如棗核食之不饑局未終斧柯爛矣及歸鄉

仙釋

四

里人物非故

尋亦仙去

俞毅夫曰越西姑蔑地有石室道書謂青霞第
八洞天志稱晉樵者王質香二童子奕局終柯
爛歸家已百歲因名爛柯山同一晉時人豈好
事者援引流布贗志之而莫可稽耶姑存之以

傳

疑

唐張果

隱中條山往來汾沁間寓漳源得長生術武后
遣使召之即死後人復見之恒山中明皇命徐

嶠齋璽書往聘乃至肩輿入宮帝親問治道神仙
事欲以玉真公主降之果堅辭入山賜號通元先

生後人即漳源所止處立

祠祀之有碑記見藝文

義福

銅鞮人姓姜氏爲神秀弟子初止藍田化感寺
處方丈二十餘年未嘗出後隸京城慈恩寺開

元十一年從駕往東都途經蒲號二州刺史暨士
女皆齋花幡迎之二十年示疾張均房館嚴挺之

事陟皆征未訣而張以服丹不臨喪先避去乃謂
易曰張有非常之咎名節皆虧若終此法會可以
免難惜其先去也公必爲中興名相遂卒賜號大
宵禪師葬於伊闕之北中書侍郎嚴挺之爲製碑
文後張竟陷於賊嚴與
房輔贊兩朝悉如其言

韓湘子

修武人韓文公之姪孫也嘗於州南八里修
煉建塔一座鄉人立祠祀之塔圯今有塔底

村

金基公

靈感院僧賦性闊達不喜蓄財慈悲剋苦未嘗
以身爲念自造叢塚埋座四萬五千餘尸及營

本院衣鉢之外一物不留臨終囑師弟福祐曰吾
本前宋一軍校耳官長喜予純雅兼能書計委我
爲庫司因貿易獲不貲之利致公用有餘緣此得
免沙場苦死遇聖朝又獲爲僧受具戒作如許利
濟獨成一院壽至七旬有餘雖死無憾然使我日
不瞑者以名額未降慮悠久不能存留哀萬靈無

心州志

卷七 仙釋

五

湖州志

卷一

所依附是其恨也倘異日名額可圖爾當勉勵祐泣而受教及大定癸未金主增廣伽藍特賜勅額

號靈感院

明呂雲仙

元妙觀道士成化時人善黃白術凡觀中聖像悉點金飾之其徒張道元索其術不授一日雲仙入山道元覘無人以力索之卒不授以死道元反荷鍤往壑之至則尸無存矣

王醜女

王普道之女住城西湛坡下生七歲絕葷食素一日潛入床下閉目危坐若悟道狀其母問故不應至十一歲嫂氏偕女浣衣忽取木板一片向漳河語嫂曰吾將去聖母祠矣語畢坐板而化遺像塑於祠傍

求嗣者視之輒應

郭禮

千戶所人有戒行嘉靖間侍母遊五臺母卒葬於鶴莊口廬墓三年歸辭其妻曰予將去矣其妻餽雙履泣留之不肯送之十里外遺雙履而去莫知所終

王威

段柳里人習苦行嘉靖三十三年八月尸解於花山石洞中知州俞汝爲作王仙傳見藝文

海貴

柏林寺僧武鄉縣人性樸實朝夕焚修禮佛一切外事不與供水陸者五儉藏經者二襲師衣鉢積貯頗豐悉捐之十方儋不償聽焉人問之答曰施捨僧家本業也留之何爲萬歷十四年正月

囑其徒圖澤圓寶曰爾輩念佛吾將休矣須臾危坐而化其徒卽其形塑本寺供養歲久像爲風雨所剝蝕骨外露康熙四十八年生員李紹靖別爲塑像而以楷斂尸埋於座下拔貢生吳時諫記其事於壁

國朝性休

號尺木道人本姓朱相傳爲大同藩府支派幼遊庠善詩文工草隸值闖逆之變棄家雲

遊徧歷多方雖奔走風塵未嘗有雜用心處嘗自言南泉十八歲解作活計趙州十八歲能破家散宅余十八歲便有個入處不假外來戊子入白下過匡廬南遊贛郡自揣可以續佛慧命克振宗風

仙傳

卷之仙傳

六

汝州志

卷一

始薙髮於雩之龍坑庵從崆峒戒子傳衣鉢覓帆
下江至漢口延壽庵遇不退禪師棒喝頓悟大道
後卓錫於沁之永慶寺順治癸巳正月二十三日
早齋畢忽問院主十王殿前那塊地捨得麼答云
捨得師云擡我去遂趺坐而逝午後現出笑像口
至耳邊垂涎不止夜半轉來索筆手書徧示大眾
其塔銘云卜地卜地三上之三乘時乘時二月之
二萬葉萌芽造化順理一椽反生吾道乃逆遇雷
而鳴逢火出世其示范景淹云我從來好大言不
慚往往說拿定生死要生就生要死就死今日幸
博得一場如意大快大快至二月二日師出定沐
浴削鬚髮現出紅光滿面持杖侍者扶至塔前倏
化老比丘相問衆居士可認得麼衆對畢師仰
天呵呵大笑說偈擲杖而逝著有銅鞮語錄
普汰靈泉寺僧號純如戒律精嚴兼通文翰幼侍報
恩和尚順治間入觀京師上嘉之御書佛
字賜焉及歸知州汪宗魯爲建御書樓於寺
前晚歲益甘淡泊或贈以衣衲遇貧饑者輒施予

沁源縣

臨終前十日手書素扇數十柄遺遺平日交遊人士展閱皆歸家頌也衆約詣寺探問比至已逝矣

周琴高真人

列仙傳云趙人以鼓琴爲宋康王舍人行涓彭之術浮游冀州及涿郡間二百餘年後辭入涿水中取龍子與諸弟子期曰皆潔齋待於水傍設祠果乘赤鯉來出坐祠中旦有萬人觀之留一月餘復入水去今沁源東山

卽寓居之處所謂冀南名勝者也

按史記注索隱曰戰國策呂氏春秋皆以宋王偃諡康王

唐先師菩薩

名偁懿宗第三子僖宗弟也黃巢入長安師出奔五臺祝髮爲僧遊沁源靈空山見

林木深茂入跡罕至有馬跑泉之異卓錫居焉昭宗景福二年圓寂宋太宗端拱二年賜所居寺額

壽

日聖

卷之五

五

五代麻衣禪師

綿上人精於相法所著有相書金鎖賦行於世今縣東北龍居山麻衣寺禪師

坐化處或云師園寂於

襄垣紫巖山之寶峯寺

金閻密

縣吏棄俗學道結庵於紫金山上居二十餘年一日無疾尸解而化冠履遺下莫知所往大定

中聞於朝賜額名

其庵曰太清觀

劉志淵

萬泉人事親至孝自號元冲子慕仙學道過長春真人於棲遊庵金末兵亂志淵避於綿

山雖九軍搜獲萬騎蹂踐身不離於側亦不罹於

害殆仙家所謂兵無所容其刃者與及厭世留詩

有七十九年倏忽間而

今脫殼出塵寰之句

元薛道紀

樓煩人遇仙點化知未來吉凶閻密化後太清觀住持屢不得入閻寧等禮迎道紀居於

本觀驅孽龍息水患遠近禱之無虛日壽百歲一

日晏坐見西北松枝上有一猴來謁謂弟子曰此

不客報我歸鄉

也端坐而化

唐善慶

縣人薛道紀之徒盡得其師之教旨能以其術救人遠近悉來祈禱事聞於朝廷祐二年

勅賜全襦紫服和光大師後化去

韓斗南

縣人初行陰陽術偶於石匣中得異書一卷皆丹字習之遂能驅役鬼神隱形變化縣令

召而試之與一鐸即縮入其中碎之無形呼之片片皆應人於他所見之後遂莫知所終其後裔尚

居作平村按縣志以斗

南爲明時人今從州舊志

明無業

傳洪州心印遍歷名山逍遙綿上閣經清涼山寺振錫南下至西河止衆香佛刹穆宗遣使懇

迎之遂示寂焉弟子慧悟茶毗之有卿雲異香從空西來塔於澄源

武鄉縣

心H志

卷七 仙釋

八

江州志

卷七

晉佛圖澄

天竺人姓帛氏永嘉四年來洛陽自云百有餘歲常服氣自養積日不食善誦神咒役使

鬼神腹旁有一孔常以絮塞之每夜讀書則拔絮

孔中出光照於一室又嘗齋時平旦至流水廁從

腹旁孔中引出五臟六腑洗之訖還內腹中洛中

亂潘草野觀變投石勒大將軍郭黑略勒召澄試

以道術信之澄能以麻油塗掌立見數百里外事

又能聽浮屠鈴音以言吉凶莫不懸驗勒遇事必

諮而行號曰大和尚石虎僭位傾心事澄有重於

勒彘趙百姓有樂事佛者特聽之支道林在京師

聞之曰澄公其以季龍爲海鷗鳥也初虎造太武

殿初成圖畫自古聖賢忠臣孝子烈士烈女皆變

爲羯狀旬餘頭悉縮入肩中淮冠髻髮髯微出虎

大惡之秘而不言也澄對之流涕乃自啓塋墓於

鄴西紫陌謂弟子法社曰戊申歲禍亂漸萌己酉

石氏當滅吾及其未亂先從化矣卒於鄴宮寺後

有沙門從雍州來稱見澄西入關虎掘其塚惟有一石虎惡之曰石者朕也葬我而去吾將死矣明

年虎死國亂
悉如澄言

按晉書本傳不言澄到鄉郡則武邑志之似贅
第本州舊志稱澄避難武鄉雖疑其附會然不
敢妄削

嵇風雷將軍 卽海濱焦龍神知州俞汝爲作傳見藝文

中國地方志佛道教文獻匯纂·人物卷
山西省 長治市

沁源縣志

明·李守貞纂修
明萬曆間刻本

僊釋

宋琴高真人杳顯迹燕趙間浪遊天下後聞冀南山
水多名勝寓居於邑之東山後去世傳有騎
鹿跨鯉之異按列僊傳載琴高者趙人也以
鼓琴為宋康王舍人行涓彭之術浮遊冀州
涿郡間二百餘年後辭入涿水中取龍子與
諸弟子期曰皆潔齋待於水傍設祠果乘赤
鯉來出坐祠中旦有萬人觀之留一月餘復
入水去 讚曰 琴高晏晏 司樂宋宮

離世孤逸

浮沉涿中

出躍赤鱗

入澡清冲

是任水解

其樂無窮

元閻真人名密初為邑吏後棄俗學道結菴於紫金山上居二十餘年一日無疾尸解而化冠履遺下莫知所在元大定中諸慕道者聞於朝以所居菴賜額太清觀

薛鍊師真人名道紀樓煩人初遇神僊點化預知吉凶自閻真人歸真後本觀主持無人閻寧等禮迎居於本觀能驅孽龍以息水患指